



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK
Stručna služba za poslove
Općinskog vijeća



Vogošća, ul. Jošanička br. 80, tel: 00387 33 586 412, 586-407

Broj: 12-04-sl./26

Vogošća, 03.03.2026. godine

VIJEĆNIČKA PITANJA
POSTAVLJENA NA 15. REDOVNOJ SJEDNICI OPĆINSKOG VIJEĆA VOGOŠĆA
održanoj 26.02.2026. godine

Na 15. redovnoj sjednici Općinskog vijeća vijećnik **Handžić Jasmin (u ime Kluba vijećnika SDA)** postavio je slijedeća vijećnička pitanja:

15/1. Pitanje upućujem nadležnom općinskom inspektoratu. Da li su poduzete konkretne aktivnosti povodom nedavnog izlivanja površinskih, fekalnih i oborinskih voda u naselju Barica, i to na ulazu u samo naselje, u zoni kod pasarele. Molim da se dostavi informacija:

- Da li je izvršen inspekcijski nadzor na predmetnoj lokaciji?
- Koji su uzroci utvrđeni kao razlog izlivanja voda?
- Da li su naložene mjere nadležnim subjektima i u kojem roku?

S obzirom da navedena situacija predstavlja potencijalnu prijetnju po zdravlje stanovnika, sigurnost saobraćaja i životnu sredinu, smatram neophodnim hitno postupanje i informisanje javnosti o poduzetim koracima.

15/2. Ovo pitanje sam upućivao nadležnim institucijama prije šest mjeseci tj. Ministarstvu za boračka pitanja Kantona Sarajevo, Ministarstvu zdravstva Kantona Sarajevo, te prema JU Dom zdravlja Kantona Sarajevo, nakon čega je nadležna općinska služba uputila i urgenciju. Kako do danas nisam dobio nikakav odgovor, pretpostavljam da je predmet vjerovatno u fazi "intenzivnog razmatranja" ili je možda ostao zaglavljen u nekoj od administrativnih ladica koje se, po svemu sudeći, sporije otvaraju od realizacije samog projekta. Podsjećam da sam u prethodnom mandatu pokrenuo inicijativu prema Ministarstvu za boračka pitanja Kantona Sarajevo, Ministarstvu zdravstva Kantona Sarajevo, te prema JU Dom zdravlja Kantona Sarajevo za uspostavu ambulante za veterane odbrambeno-oslobodilačkog rata 1992–1995. godine, sa ciljem unapređenja zdravstvene zaštite boračke populacije na području općine Vogošća. Napominjem da je data saglasnost i da su ambulate za veterane već uspostavljene u općinama Novi Grad Sarajevo, Stari Grad Sarajevo, Novo Sarajevo, Centar Sarajevo i Ilidža, te je projekat u navedenim općinama realizovan. Iz dostavljenog odgovora na ranije pokrenutu inicijativu dobili smo čvrsta obećanja da će se i na području općine Vogošća uspostaviti ambulanta za veterane odbrambeno-oslobodilačkog rata 1992–1995. godina. S tim u vezi, postavljam sljedeća konkretna pitanja tj. ista, u nadi da ćete ako neodgovorite konačno realizirati ovaj projekat i na području općine Vogošća:

1. Da li su nadležne institucije dale saglasnost za uspostavu ambulante u okviru Organizacije jedinice Vogošća?
2. Da li su nadležne institucije obezbjedile finansijska sredstva i ljudske resurse, doktore, medicinsko osoblje za realizaciju ovog projekta?
3. Da li je Dom zdravlja OJ Vogošća izvršio sve potrebne pripreme za uspostavu ambulante za veterane, uključujući izmjene pravilnika i osiguranje tehničkih uslova? Ukoliko pripreme nisu završene, molim da se dostavi informacija u kojoj su fazi i kada se planira njihovo okončanje?
4. Kada konačno možemo očekivati uspostavu ambulante za veterane u okviru OJ Vogošća?

Vijećnica **Šabić Dalia (u ime Kluba vijećnika DF)** postavila je slijedeće vijećničko pitanje:

15/3. Na osnovu upita i fotografija koje su dostavili građani, vidljivo je da se dio prostora pomoćnog stadiona „Hakija Mršo“ trenutno koristi kao parking, te da je površina u veoma lošem stanju (oštećen, blatnjav i neuređen teren). S tim u vezi, postavljam sljedeća pitanja nadležnoj općinskoj službi:

1. Koja je zvanična namjena predmetne površine prema važećim planskim dokumentima?
2. Da li postoji plan uređenja i privođenja konačnoj namjeni pomoćnog stadiona?
3. Da li je korištenje dijela ovog prostora kao parkinga privremeno rješenje i do kada je planirano?
4. Ko je nadležan za održavanje i uređenje ove površine?

Smatramo da je neophodno jasno informisati javnost o statusu ovog prostora, te definisati konkretne korake kako bi se pomoćni stadion stavio u punu funkciju sporta i rekreacije, umjesto da propada ili ostaje nedovoljno iskorišten. Ovaj prostor predstavlja značajan sportski kapacitet naše općine i kao takav zaslužuje plansko i odgovorno upravljanje.

Vijećnik **Efendić Emir (u ime Kluba vijećnika S BiH)** postavio je slijedeća vijećnička pitanja:

- 15/4.** Postavljam pitanje prema nadležnoj općinskoj službi, kada će biti popravljena asfaltna podloga u ul. Jošanička u neposrednoj blizini polazne autobuske stanice. Naime, u ulici Jošanička u neposrednoj blizini autobuske stanice, ustijed izvođenja radova izvršeno je prosijecanje asfaltna podloge u neposrednoj blizini pješačkog prelaza i raskrsnice. Zbog navedenog oštećenja koje nije ni obilježeno na adekvatan način, dolazi do ugrožavanja normalnog odvijanja saobraća. Također, zbog navedenog oštećenje asfaltna podloge postoji rizik da može doći i do neželjenih šteta na motornim vozilima građana. U vezi sa navedenim potrebno je oštećenje asfaltna podloge što prije sanirati, kako bi se saobraćaj normalizovao na navedenom dijelu saobraćajnice.
- 15/5.** Postavljam pitanje prema nadležnoj općinskoj službi vezano za odlaganje otpada i smeća u ulici Uglješići u neposrednoj blizini mosta kod Srednjoškolskog centra Vogošća. Već duži vremenski period primijećeno je da se na navedenoj lokaciji odlaže otpad od obrezivanja ili uklanjanja drveća sa područja općine Vogošća. Zbog navedenog na istom lokalitetu je došlo i do odlaganja i akumuliranja raznog otpada kao što su plastične flaše, papiri i sl. Navedeni lokalitet se nalazi na samoj obali korita rijeke Vogošće, što dodatno izaziva rizik zagađenja i onečišćenja korita rijeke a i samog okoliša. Pitanje prema nadležnim službama je, da li je poznato ko je odlagao navedeni otpad i kada će navedeni otpad i ostalo smeće biti uklonjen sa navedenog lokaliteta.

Vijećnik **Pašagić Almir (u ime Kluba vijećnika SDP)** postavio je slijedeća vijećnička pitanja:

- 15/6.** Upućujem pitanje prema Ministarstvu saobraćaja i Ministarstvu unutrašnjih poslova Kantona Sarajevo u vezi regulacije sobračaja u ulici P.O. Zvijezda - Vogošća.
Poštovani, želim Vas obavjestiti da dvosmjerna ulica P.O. Zvijezda više godina se ne poštuje u sobračaju, jer jedna kolovozna traka se koristi za parking i time se remeti normalna sobračajna komunikacija. Također i trotoar se koristi za parking i druga kolovozna traka, jedina slobodna traka biva sužena i otežan je saobraćaj. Ovako postavljena zamršenost u sobračajnoj komunikaciji stvara prostor da dođe do saobraćajnih udesa, a vrlo često sanitetsko vozilo nema pristupa ulazima prema zgradama i većina mimoilaženja se dešava na čudan način. Također, postoji mogućnost udesa pješaka zbog nepreglednosti odvijanja sobračaja. Moja molba i pitanje je da li možete poslati nekog da procijeni datu situaciju i da li se može ova ulica bar privremeno preimenovati u jednosmjernu ulicu, dok se ne urade parkinzi za stanovnike ovih zgrada.
- 15/7.** Većina ulica u centralnoj zoni općine Vogošća, poslije čišćenja snijega, ima veliku količinu zaostale rizle, koja ima mogućnost da se oštećuju auta, a često se starije osobe i djeca kližu na padinskim ulicama, čime se mogu prouzrokovati i teže povrede. Da li može Općina Vogošća da angažuje nadležnu službu koja je čistila snijeg ili Civilnu zaštitu da se pomenuta rizla pokupi, a ulice operu, jer uskoro je državni praznik – 1. mart. Pranje ulica u ovom periodu je moguće, jer su prolječne temperature sa prosjekom 15 stepeni narednih 7 dana. Dan nezavisnosti 1. Mart je praznik svih nas i ulice, javne institucije ali privatni objekti treba da čistoćom i državnom zastavom budu ogledalo ljudi koji vole i cijene državu Bosnu i Hercegovinu.

Vijećnik **Bogilović Enis (u ime Kluba vijećnika NiP)** postavio je slijedeće vijećničko pitanje:

- 15/8.** Kada će se na lokaciji spomenika Sjenička kosa u ul. Kenana Brkanića postaviti kante za smeće. I da li je moguće dogovoriti sa nekom komunalnom firmom odvoz otpada smeća i sl.

15/9. Dokle se došlo sa pregovorima sa LOKOM, firmom za zbrinjavanje pasa lotalica. Da li je moguće sistemsko rješenje ovog problema. Vidljivo je da je na području općine Vogošća povećan broj pasa lotalica.

Vijećnik **Škoro Hamdija (u ime Kluba vijećnika Naprijed BiH)** postavio je slijedeće vijećničko pitanje:

15/10. Obzirom da dostavljeni odgovor Centra za socijalni rad ne sadrži precizne i konkretne podatke o stvarno poduzetim mjerama, već se pretežno poziva na navodno odbijanje pomoći od strane Đ.A., smatramo da je potrebno dodatno pojašnjenje. U dopisu Centar za socijalni rad, navodi se da je ista institucija organ starateljstva koji je, u skladu sa zakonom dužan poduzimati mjere zaštite lica u stanju socijalne potrebe. Također, komšinice koje su pratile Đ.A. i dovele ga u CENTAR ZA SOCIJALNI RAD, izrazile su ozbiljnu sumnju kao i cijeli komšiluk da je kod navedenog lica narušeno mentalno zdravlje, što može direktno uticati na njegovo odbijanje pomoći i sposobnost pravilnog rasuđivanja. S obzirom na navedeno, postavljam dopunu vijećničkog pitanja:

Koje su tačno Zakonom propisane mjere poduzete u ovom konkretnom slučaju navesti datume, broj terenskih obilazaka i ime stručnog lica koje je postupalo, jer Đ.A. i dalje nema elementarne uvjete za život.

1. Kada je u konkretnom slučaju izvršena procjena poslovne sposobnosti navedenog lica (navesti datum i godinu). Kojeg datuma je Centar zatražio mišljenje i uključenje Policijske uprave, Crvenog križa, nadležne općinske službe, mjesne zajednice, Centra za mentalno zdravlje i drugih institucija (zapisnički i hronološki dostaviti te zabilješke), obzirom da je lice bez uslova za život (bez zdravstvene zaštite, struje, ogreva, hrane itd).
2. Koliko je puta u posljednje dvije godine Centar za socijalni rad postupao vezano za ovo lice i koje su konkretne mjere poduzete (nabrojati).
3. Tražimo informaciju i broj službenih zabilješki kojim ste evidentirali da lice odbija pomoć i koliko puta se obratilo za istu.
4. Ukoliko Centar za socijalni rad navodi da bez saglasnosti lica Đ.A. ne može postupati, navesti član Zakona i datum kada je utvrđeno da Đ.A. ima punu sposobnost odlučivanja.
5. Šta je Centar za socijalni rad poduzeo na osnovu informacije Centra za mentalno zdravlje Vogošća iz decembra 2025. godine i da li Centar ima obavezu da njihov predstavnik ide na teren, sa predstavnicima Centra za mentalno zdravlje, jer se ne slaže de facto i de jure.

Vijećnik **Mehić Almedin (u ime Kluba vijećnika SDA)** postavio je slijedeća vijećnička pitanja:

15/11. Igralište pored OŠ „Zajko Delić“ nije u funkciji već duži vremenski period. Zanima me da li će se u skorije vrijeme nešto poduzimati po tom pitanju i kome će pripasti na upravljanje. Zaista imam konstantan pritisak od građana naselja Kobilja Glava, pa vas molim da mi date konkretne informacije. Imam razumjevanja za mnoge stvari koje su se desile i razumljivo je da treba napraviti ozbiljnu studiju kako najkvalitetnije pripremiti sve parametre da se steknu uslovi koji će odgovoriti svrsi samog igrališta.

15/12. Kada će se i kako riješiti problem pasa lotalica na području općine Vogošća. Prema informacijama građana koji se redovno žale na problem pasa lotalica, najčešće u urbanom dijelu naše općine, radi se o enormno velikom broju, odnosno nekoliko čopora pasa je prisutno. Na tom lokalitetu još uvijek postoje lotalice koji uznemiravaju građane, a posebno majke sa djecom, starije osobe i učenike. Molim nadležne da poduzmu aktivnosti na rješavanju ovog problema. Čopor se kreće oko predškolskih i školskih ustanova, te među djecom izaziva paniku i strah. Da li i s kim imamo ugovor o uklanjanju istih.

Vijećnik **Gljiva Eno (u ime Kluba vijećnika DF)** postavio je slijedeća vijećnička pitanja:

15/13. Zbog čega se sakuplja voda u kanalu kraj magistralne ceste kod Efendića kuća prije stanice u Barici, da li je razlog začepljen odvod ili nešto drugo i zbog čega se ništa ne rješava na otklanjanju problema. Na toj lokaciji već dva puta su vozači "sletjeli" u kanal i to mjesto je trenutno označeno trakom kao upozorenje, do kada i u čijoj je nadležnosti da riješi pomenuti problem.

- 15/14.** Kada i na koji način se planira sistemsko rješavanje problema pasa lutalica na području naše općine. Evidentan je porast broja pasa lutalica, a sve je više pritužbi građana na koje, prema njihovim navodima, izostaje adekvatna reakcija nadležnih službi. Posebno zabrinjava prijava iz ambulate u Semizovcu, gdje je gotovo svakodnevno prisutan manji čopor pasa na samom ulazu u objekat, što izaziva strah kod pacijenata koji dolaze po zdravstvene usluge, kao i kod uposlenih. Zbog čega se ovom problemu ne pristupa sistemski i dugoročno, već se reaguje ad hoc, dok se istovremeno izdvajaju budžetska sredstva za isplatu odšteta zbog ujeda pasa. Također, da li se psi po preuzimanju i smještaju u azil čipuju, evidentiraju i trajno zbrinjavaju, ili u azilu borave dok za njihovu skrb postoje finansijska sredstva. Smatram da je neophodno jasno definisati odgovornost, način postupanja i dugoročni plan rješavanja ovog problema, kako bi se osigurala sigurnost građana i racionalno trošenje budžetskih sredstava.

Vijećnik **Hebib Armin (u ime Kluba vijećnika SDP)** postavio je slijedeća vijećnička pitanja:

- 15/15.** U kojoj se fazi trenutno nalazi izrada dokumenta „Budžet za građane“ za 2026. godinu. Koji je planirani rok za njegov završetak i objavu na zvaničnoj web stranici Općine Vogošća?

Obrazloženje:

Na 1. redovnoj sjednici Općinskog vijeća Vogošća u ovom mandatu uputio sam vijećničku inicijativu za izradu dokumenta „Budžet za građane“. Tada sam dobio odgovor nadležne službe da je inicijativa prihvatljiva, u skladu s članom 168. Poslovnika Općinskog vijeća Vogošća, te da će se u narednom periodu raditi na njenoj realizaciji. Na 6. redovnoj sjednici, nakon usvajanja Izmjena i dopuna Budžeta za 2025. godinu, ponovo sam postavio pitanje o statusu realizacije navedene inicijative, kada mi je odgovoreno da će se ista realizovati prilikom izrade Nacrta Budžeta za 2026. godinu. Također, na 11. redovnoj sjednici Općinskog vijeća, na kojoj smo razmatrali i usvojili Nacrt Budžeta za 2026. godinu, ponovo sam podsjetio na ranije dato obećanje i uputio zahtjev da Općina Vogošća pristupi izradi „Budžeta za građane“, s ciljem da se ovaj dokument učini jednostavnijim, preglednijim i dostupnijim građanima, te da naša Općina bude dio pozitivne prakse transparentnog i otvorenog upravljanja javnim finansijama. Tom prilikom sam dobio odgovor da je izrada Budžeta za građane planirana nakon usvajanja Budžeta Općine Vogošća za 2026. godinu. S obzirom na to da su od usvajanja Budžeta za 2026. godinu protekla dva mjeseca, molim da me nadležna služba informiše: u kojoj se fazi trenutno nalazi izrada dokumenta „Budžet za građane“ za 2026. godinu i koji je planirani rok za njegov završetak i objavu na zvaničnoj web stranici Općine.

- 15/16.** Da li Općina Vogošća posjeduje ažuriranu evidenciju o broju parking prostora na području općine, te ukoliko posjeduje, koliko ukupno parking prostora je evidentirano (uz eventualnu podjelu na javne, privatne i zone naplate).

Obrazloženje:

Problematika nedostatka parking prostora predstavlja jedan od izraženijih komunalnih izazova na području Općine Vogošća, naročito u užim urbanim zonama, u blizini javnih ustanova, stambenih naselja i poslovnih objekata. Sve veći broj registrovanih vozila dodatno opterećuje postojeću infrastrukturu, što često dovodi do nepropisnog parkiranja, smanjenja sigurnosti učesnika u saobraćaju i narušavanja kvaliteta života građana. Posjedovanje tačne i ažurirane evidencije o postojećim parking kapacitetima predstavlja osnov za plansko i odgovorno upravljanje saobraćajem u mirovanju, kao i za izradu budućih strategija, projekata i odluka u oblasti komunalnog uređenja. Iz tog razloga, molim nadležnu službu da mi dostavi raspoložive podatke, kako bi se mogle razmatrati eventualne mjere za unapređenje stanja u ovoj oblasti.

Vijećnik **Piknjač Admir (u ime Kluba vijećnika NiP)** postavio je slijedeća vijećnička pitanja:

- 15/17.** Na osnovu informacija dobijenih od građana općine Vogošća, prilikom prijave na evidenciju nezaposlenih osoba (biro za zapošljavanje) naplaćuje se administrativna taksa. Prema dostupnim informacijama, takva praksa ne postoji u drugim općinama na području Kantona Sarajevo. S tim u vezi, postavljam sljedeća pitanja:

1. Da li se na području općine Vogošća naplaćuje taksa prilikom prijave na evidenciju nezaposlenih i koliki je njen iznos.
2. Na osnovu kojeg tačno propisa ili odluke je uvedena ova obaveza.

3. Da li je izvršena pravna analiza usklađenosti ove prakse sa kantonalnim propisima i principom jednakog tretmana građana u Kantonu Sarajevo.
 4. Koliki su godišnji prihodi po ovom osnovu i koje svrhe se koriste.
- Tražim od nadležne Općinske službe ukoliko se utvrdi da ova obaveza nije propisana kantonalnim zakonom ili da predstavlja dodatno administrativno opterećenje nezaposlenim osobama bude stavljena van snage. Smatram neprihvatljivim da nezaposlene osobe, koje se nalaze u teškoj socio-ekonomskoj situaciji, budu dodatno finansijski opterećene prilikom ostvarivanja osnovnog prava na prijavu na evidenciju nezaposlenih osoba, posebno ako takva praksa nije ujednačena na području Kantona Sarajevo u svim općinama.

15/18. S obzirom da je Regulacioni plan „Centar“ Vogošća bio predmet javne rasprave i da je izrađen Nacrt plana koji nije dobio saglasnost Zavoda za planiranje razvoja Kantona Sarajevo, te imajući u vidu da je od tada proteklo više od dvije godine bez vidljivih aktivnosti na njihovom usvajanju, postavljam sljedeće vijećničko pitanje:

1. U kojoj se fazi trenutno nalazi procedura usvajanja Regulacionog plana „Centar“.
2. Koji su konkretno razlozi zbog kojih Zavod za planiranje razvoja Kantona Sarajevo nije dao saglasnost na nacrt plana.
3. Da li su primjedbe Zavoda ugrađene u korigovani tekst plana, ukoliko nisu, iz kojih razloga.
4. Kada se može očekivati ponovno upućivanje prijedloga Regulacionog plana u proceduru usvajanja pred Općinskim vijećem.

Posebno bih naglasio hitnost ovog pitanja obzirom da je Vlada Kantona Sarajevo usvojila propise koji se odnose na legalizaciju bespravno izgrađenih objekata uz propisane kriterije, a da se na teritoriji obuhvata RP „Centar“ već nalaze takvi objekti i koji bi obzirom na postojeće stanje mogli ući u proces legalizacije, te pored prihodovne strane od uplate građevinske rente, poreza, rješavanja imovinsko pravnih odnosa, itd... itekako doprinio rješavanju mnogih problema naših sugrađana i investitora. Analizirajući posljedice neusvajanje RP „Centar“ općine Vogošća može dovesti do pravne nesigurnosti, otežane primjene kriterija legalizacije, neravnopravnog tretmana građana, kao i dugoročnih negativnih posljedica po planski razvoj centralne zone općine. Smatram da je od javnog interesa da Općinsko vijeće i građani dobiju jasan plan aktivnosti i precizan vremenski okvir za finalizaciju i usvajanje strateški važnog planskog dokumenta.

Vijećnik **Pašić Edin (u ime Kluba vijećnika SDA)** postavio je sljedeće vijećničko pitanje:

15/19. Obzirom da smo u predhodnom periodu, posljednjih sedmica, imali nekoliko kvarova odnosno ispada na javnoj rasvjeti kako uz magistralnu cestu M 18 na našoj općini (konkretno naselje Hotonj) tako i u nekoliko drugih naselja i ulica kao i kroz centralni dio općine upućujem pitanje Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo kao i KJKP „Park“ d.o.o. Sarajevo šta su razlozi ovih učestalih kvarova odnosno ispada i mogu li se isti prevenirati u smislu kontrole i održavanja kako bi imali urednu i efikasnu javnu rasvjetu.

Vijećnik **Cvrk Ćamil (u ime Kluba vijećnika DF)** postavio je sljedeće vijećničko pitanje:

15/20. Pitanje za nadležnu općinsku službu, u kojoj fazi je rekonstrukcija i zamjena rešetki na odvodnim kanalima na Trgu žrtava genocida u Srebrenici. Ne jednoj od prethodnih sjednica pokrenuo sam pitanje rekonstrukcije i zamjene rešetki na odvodnim kanalima na Trgu žrtava genocida u Srebrenici. Do danas, koliko znam, nista nije urađeno po tom pitanju. Ovdje se ne radi samo o estetskom aspektu uređenja nego i o potencijalnoj opasnosti za djecu koja se svakodnevno igraju na tom prostoru.

Vijećnica **Karović Amra (u ime Kluba vijećnika SDP)** postavila je sljedeće vijećničko pitanje:

15/21. Zašto na ulicama Vogošće nema komunalnih radnika koji su rasporedjeni na mjesta za čišćenje ulica.

Obrazloženje:

Obzirom na prethodni, već iza nas zimski period i problem sa čišćenjem snijega, dešava se novi problem sa velikim količinama posipnog materijala, pjeska, po trotoarima uz trotoare i na ulicama. Znamo da takav materijal dovodi do padova pješaka naročito u ulicama sa

većim nagibima, na uzbrdicma itd. Znam da sezona čišćenja nije počela, ali pitam kada će, jer je jako zapostavljeno čišćenje ulica.

Vijećnica **Salčin Sabiha (u ime Kluba vijećnika SDA)** postavila je slijedeće vijećničko pitanje:

15/22. Upućujem pitanje nadležnom KJKP „Rad“ d.o.o. Sarajevo da dostavi informaciju o planiranoj dinamici i obimu čišćenja i održavanja javnih površina na području općine Vogošća. Koliko često se vrši čišćenje ulica, pješačkih zona i zelenih površina na području naše općine. Da li KJKP „Rad“ d.o.o. Sarajevo, raspolaže dovoljnim brojem vozila i radnika za održavanje naše općine, te koji su planovi za unapređenje kapaciteta. Molim da odgovor bude dostavljen u pisanoj formi, sa preciznim podacima o učestalosti čišćenja, resursima i planiranim mjerama unapređenja.

Vijećnik **Omerović Denis (u ime Kluba vijećnika SDP)** postavio je slijedeća vijećnička pitanja:

15/23. Da li su pribavljene sve potrebne dozvole i saglasnosti za realizaciju projekta rekonstrukcije mosta u Svrakama.

15/24. U vezi sa prethodnim pitanjem, ukoliko potrebne dozvole i saglasnosti nisu pribavljene, da li Općina poduzima aktivnosti na njihovom prikupljanju, s obzirom da se projekat rekonstrukcije mosta u Svrakama nalazi u programu prioriteta i da je njegovu realizaciju predviđeno da provede Direkcija puteva Kantona Sarajevo. Molim da se dostavi informacija o poduzetim koracima i trenutnom statusu aktivnosti.

Vijećnik **Gluhović Alija (u ime Kluba vijećnika Naprijed BiH)** postavio je slijedeće vijećničko pitanje:

15/25. U proteklom periodu svjedočimo jasnom trendu širom Bosne i Hercegovine, lokalne zajednice povećavaju komunalne takse priređivačima igara na sreću i time pokazuju odgovornost prema građanima. Veliki broj općina imao je hrabrosti da uđe u tu borbu i zaštititi javni interes. Naša Općina, nažalost, nije među njima i niko se ne može pohvaliti time, može jedan pojedinac, kolega Turković koji je pokrenuo kvalitetnu i argumentovanu inicijativu koju sam bez rezerve podržao, jer sam planirao da istu pokrenem ali kada sam vidio da je to on uradio sjednicu prije nisam se uključivao ne želeći da se bavim populizmom. Iskreno, vjerovao sam da će, budući da navedeni vijećnik dolazi iz redova vlasti i iste stranke kao načelnik, ta inicijativa imati punu podršku. Međutim, pokazalo se da ovdje nisu presudni ni argumenti ni javni interes, nego politička sujeta, i da vijećnici iz većine nemaju utjecaja na procese Općine i Općinskog načelnika. Pročitao sam odgovor upućen kolegi Turkoviću i moram reći da je krajnje pretenciozan. Iz njega proizilazi da su gotovo sve druge općine u državi nezalice koje krše zakon, dok ste jedino vi ti koji ga ispravno tumačite. Ako je tako onda živimo u pravnom apsurdu, jer 90% lokalnih zajednica naplaćuje ovu taksu. Naplaćivali smo je i mi donedavno, malo prije dolaska tema “kladionica” na sto. Postavljam javno pitanje: zašto baš u ovom slučaju pokazujete toliku “principijelnost”. Šta je stvarni razlog odbijanja ove inicijative. Da li ste zaduženi od strane ovog snažnog lobija da radite u njihovom interesu. Građani zaslužuju odgovor, po ovom pitanju i ne želim da ovo shvatite političkim pitanjem ili populizmom već javnim interesom građana. Klub vijećnika Naprijed BiH, će nastaviti na insistiranju da se ovo pitanje što hitnije rješi i već u narednom period ćemo tražiti podršku u ovom Vijeću i široj društvenoj zajednici kako bi zaštitili javni interes građana općine Vogošća.

Dostaviti:

1. Naslovu
2. a/a

RUKOVODILAC
STRUČNE SLUŽBE ZA POSLOVE
OPĆINSKOG VIJEĆA

Crvenjak Elvir



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK
Stručna služba za poslove
Općinskog vijeća



Vogošća, ul. Jošanička br. 80, tel: 00387 33 586 412, 586-407, fax: 586-407

Broj: 12-04-sl./26
Vogošća, 03.03.2026.godine

INICIJATIVE POKRENUTE
NA 15. REDOVNOJ SJEDNICI OPĆINSKOG VIJEĆA VOGOŠĆA
održanoj 26.02.2026. godine

Na 15. redovnoj sjednici Općinskog vijeća vijećnik **Handžić Jasmin (u ime Kluba vijećnika SDA)** pokrenuo je slijedeće inicijative:

- 15/1.** Pokrećem inicijativu prema Vladi Kantona Sarajevo i Ministarstvu odgoja i obrazovanja Kantona Sarajevo na donošenju odluke o zabrani korištenja mobilnih telefona u svim osnovnim i srednjim školama na području Kantona Sarajevo.

Obrazloženje:

Cilj pokretanja ovakve inicijative je usmjeren prvenstveno na smanjenje vršnjačkog nasilja (cyberbullying) i poticanje socijalizacije naše djece u školama. Također naglašavam da sindikati i stručnjaci podržavaju ovu mjeru kako bi se smanjila ometanja u nastavi, dok se istovremeno omogućuje korištenje uređaja u edukativne svrhe uz dopuštenje nastavnika. Realizacija nastavnog procesa se adekvatno ne može odvijati dok djeca/učenici imaju mobitele u svojim rukama. Oni tada nisu prisutni na nastavnom času. Čas je za njih dosadan jer ne proizvodi onoliko zabrane i uzbuđenja kao što proizvode igrice ili eventualno TikTok objave koje oni gledaju na mobitelu. Pozitivna stvar će biti da će djeca vježbati fokus i koncentraciju a sve će zavisiti i od profesora i nastavnika, jer nastava ne smije biti dosadna. Također napominjem da u postupku donošenja odluke o zabrani korištenja mobitela nadležne institucije kao donosioci istih moraju voditi računa o opravdanim izuzecima od zabrane i to samo u slučajevima kada je upotreba mobitela neophodna iz zdravstvenih, edukativnih ili drugih opravdanih razloga.

- 15/2.** Pokrećem inicijativu prema JU Djeca Sarajeva te Ministarstvo za odgoj i obrazovanje Kantona Sarajevo za obavezno zatvaranje kapije i zabranu nekontrolisanog ulaska motornih vozila u vrtić „Ljiljan“.

Obrazloženje:

Sigurnost djece mora biti apsolutni prioritet svake predškolske ustanove. Otvorena ili neadekvatno kontrolisana kapija predstavlja potencijalni sigurnosni rizik, jer omogućava slobodan pristup prostoru u kojem borave djeca. Prisustvo i kretanje motornih vozila unutar kruga vrtića predstavlja direktan sigurnosni rizik za djecu, imajući u vidu njihovu dob, nepredvidivost u kretanju i činjenicu da se radi o prostoru koji mora biti u potpunosti prilagođen sigurnom boravku najmlađih. S tim u vezi, pored zabrane ulaska privatnim motornim vozilima i obaveznog zatvaranja kapije, smatram neophodnim razmotriti i mogućnost tehničkog osiguranja kapije vrtića (interfon, video nadzor, elektronska brava ili drugi vid kontrole pristupa), kako bi se spriječio neovlašten ulazak vozila i osigurala potpuna kontrola nad prostorom vrtića. Preventivno djelovanje i unapređenje sigurnosnih mjera predstavlja odgovoran pristup zaštiti djece, te doprinosi većem osjećaju sigurnosti roditelja i zaposlenika.

Vijećnica **Šabić Dalia (u ime Kluba vijećnika DF)** pokrenula je slijedeće inicijative:

- 15/3.** Pokrećem inicijativu za sanaciju i uređenje stepeništa i pješačke staze u ulici Ramiza Alića – Hotonj.

Obrazloženje:

Stepeništa u ulici Ramiza Alića u Hotonju se nalazi između stambenih objekata broj 6. i broj 7. i koristi kao svakodnevni prolaz prema glavnoj cesti, pošti i marketu. Navedeno stepenište predstavlja važnu pješačku komunikaciju za veliki broj građana, uključujući učenike, starije osobe i druge stanovnike ovog naselja. Trenutno je u lošem stanju, sa oštećenjima i neravninama, zbog čega često dolazi do povreda, posebno u zimskim mjesecima kada su stepenice klizave. Također, po silasku niz stepenice, građani su primorani koristiti neuređenu i oštećenu dionicu koja vodi do spoja sa donjom ulicom. S obzirom da je to jedini prirodni nastavak pješačke komunikacije, neophodno je urediti i taj dio kao adekvatnu, sigurnu i uređenu pješačku stazu. Predlaže se da nadležna općinska služba izađe na teren, izvrši procjenu stanja te pristupi sanaciji stepeništa i uređenju nastavka pješačke staze, kako bi se osigurala sigurnost i funkcionalnost ovog važnog prolaza za stanovnike Hotonja.

- 15/4.** Pokrećem inicijativu za povećanje broja parking mjesta za osobe s invaliditetom u ulici Skendera Kulenovića broj 38.

Obrazloženje:

Pokrećemo inicijativu prema nadležnoj općinskoj službi da se u ulici Skendera Kulenovića kod broja 38., izvrši analiza postojećeg stanja i poveća broj parking mjesta namijenjenih osobama s invaliditetom. Na navedenoj lokaciji trenutno je obilježeno samo jedno parking mjesto za osobe s invaliditetom, što je nedovoljno u odnosu na stvarne potrebe stanara i korisnika ovog prostora. Prema informacijama građana, postoji potreba za najmanje tri adekvatno obilježena i propisno označena parking mjesta. S obzirom na broj osoba sa invaliditetom koje žive ili svakodnevno borave na ovoj lokaciji, smatramo da je neophodno prilagoditi broj parking mjesta stvarnim potrebama, kako bi se osigurali osnovni uslovi za njihovo nesmetano kretanje i ravnopravan pristup objektima. Predlažem da nadležna služba izvrši procjenu i u skladu sa zakonskim propisima i tehničkim mogućnostima, izvrši dodatno obilježavanje potrebnog broja parking mjesta.

Vijećnik **Efendić Emir (u ime Kluba vijećnika S BiH)** pokrenuo je slijedeće inicijative:

- 15/5.** Pokrećem inicijativu prema nadležnoj općinskoj službi i Općinskom vijeću, da se formira Vijeće za prevenciju kriminaliteta na području općine Vogošća.

Obrazloženje:

Jedan od savremenih oblika borbe protiv kriminaliteta, koji se pokazao kao efikasan u demokratskim društvima, jeste formiranje Vijeća za prevenciju kriminaliteta u lokalnim zajednicama. Ovaj model omogućava blagovremeno prepoznavanje uzroka i pojava oblika kriminaliteta, kao i aktivno uključivanje šire javnosti u procese prevencije. Savremeni oblici suprotstavljanja kriminalitetu, poznati u svijetu, uglavnom se zasnivaju na saradnji lokalne zajednice i policije. Jedan od najpoznatijih i najprimjenjivanijih modela upravo je formiranje vijeća za prevenciju kriminaliteta u okviru lokalne zajednice. Sastav Vijeća za prevenciju kriminaliteta uglavnom čine: predstavnici lokalne zajednice, predstavnici zdravstvenih, obrazovnih, socijalnih ustanova i predstavnici policije. Cilj Vijeća za prevenciju kriminaliteta jeste: prikupljanje i analiza podataka o uzrocima i pojavnim oblicima kriminaliteta na području lokalne zajednice, davanje prijedloga za unapređenje sigurnosti, poduzimanje konkretnih mjera u oblasti prevencije kriminaliteta. Ovaj oblik prevencije kriminaliteta već se duži niz godina provodi u zemljama zapadne Evrope, kao i u susjednim državama, gdje se pokazao kao veoma efikasna metoda uključivanja lokalne zajednice u procese suprotstavljanja kriminalitetu.

- 15/6.** Pokrećem inicijativu prema nadležnoj općinskoj službi, za uklanjanje pasa luralica sa ulica općine Vogošća.

Obrazloženje:

U posljednje vrijeme primijećen je veći broj pasa luralica u urbanom dijelu općine Vogošća, koji predstavljaju opasnost po građane, a naročito djecu. Navedeni psi luralice, odnosno opasne životinje bez nadzora i kontrole, pored prisustva na ulicama primijećeni su i na samom sportskom terenu stadionu „Hakija Mršo”. Kako ne bismo snosili posljedice kao što je to bio slučaj na području grada Goražda kada je od pasa luralica napadnuto dijete koje je doživjelo teške povrede, potrebno je da nadležne službe hitno poduzmu mjere na uklanjanju i zbrinjavanju navedenih opasnih životinja.

Vijećnik **Pašagić Almir (u ime Kluba vijećnika SDP)** pokrenuo je slijedeće inicijative:

15/7. Pokrećem inicijativu za izgradnju bazena na prostoru pomoćnog stadiona sa solarnom elektranom na krovu bazena.

Obrazloženje:

Ako Općina već plaća 250.000,00 KM godišnje privatniku za korištenje bazena, onda se isplativost može posmatrati kroz sljedeće činjenice: Finansijska logika (javna investicija)

Pretpostavimo da:

- Izgradnja bazena: 5–6 miliona KM
- Održavanje: ~800.000,00 KM godišnje
- Prihodi (karte, škole, klubovi): ~500.000,00 KM
- Neto trošak rada: ~300.000,00 KM godišnje.

Općina već sada plaća 250.000,00 KM godišnje privatniku. Realna razlika u Budžetu bi bila samo oko 50.000,00 KM više godišnje, ali bi objekat bio u vlasništvu Općine. Ako se doda solarna elektrana (~300.000,00 KM), ušteda struje: ~45–50.000,00 KM godišnje. Time se skoro u potpunosti pokriva ta razlika od 50.000,00 KM. Općina bi za približno isti godišnji izdatak imala: vlastiti bazen, dugoročnu kontrolu cijena, energetska stabilnost i sportski razvoj. Dugoročno (20 godina), 250.000,00 KM × 20 godina = 5 miliona KM. To je praktično cijena izgradnje bazena. Drugim riječima za 20 godina Općina bi potrošila isti novac, ali bez da posjeduje objekat. Zaključak: u situaciji gdje se već plaća 250.000,00 KM godišnje privatniku izgradnja vlastitog bazena postaje finansijski opravdanija, solar dodatno popravljajući isplativost. Najveći izazov je početna investicija, ne dugoročna održivost. Izgradnja bazena bi se finansirala iz Budžeta Općine Vogošća, Kantona Sarajevo i Federacije BiH i donacije nevladinog sektora koji podržava sport i razvoj svih zdravstvenih projekata za sve uzraste stanovnika općine Vogošća i Kantona Sarajevo.

15/8. Pokrećem inicijativu za nabavku elektro autobusa za škole u Vogošći.

Obrazloženje:

Pokretanje inicijative za nabavku elektro autobusa za prevoz učenika u Vogošći može donijeti višestruke koristi – ekološke, finansijske i zdravstvene, te

1. smanjenje zagađenja zraka i buke u školskim zonama
2. siguran i moderan prevoz učenika
3. dugoročna ušteda troškova goriva i održavanja
4. usklađivanje sa EU zelenim politikama i fondovima

Prednosti elektro autobusa:

- nulta emisija CO₂ tokom vožnje
- manji troškovi goriva (struja je jeftinija od dizela)
- manje održavanje (manje pokretnih dijelova)
- tiši rad – sigurnije školsko okruženje
- mogućnost finansiranja kroz EU fondove i grantove.

Garaže sa solarnim panelima značajno poboljšavaju isplativost električnih školskih autobusa u Vogošći jer smanjuju trošak energije i povećavaju energetska nezavisnost. Na krovu garaže ili parking nadstrešnice postavljaju se solarni paneli. Proizvedena energija se direktno koristi za punjenje autobusa ili se pohranjuje u baterije ili se predaje u mrežu (net metering, ako je omogućen). Sa solarnim garažama, projekt u Vogošći postaje mnogo isplativiji nego klasično punjenje iz mreže. Bez subvencija → povrat 8–12 godina, sa subvencijama → povrat može pasti na 5–7 godina. Mogući izvori finansiranja su:

- Budžet Općine Vogošća,
- Kanton Sarajevo – Ministarstvo saobraćaja,
- EU fondovi (IPA, Zeleni fondovi),
- Donacije privatnih kompanija (CSR projekti),
- Javna–privatna partnerstva,
- Javna–privatna partnerstva.

Vijećnik **Bogilović Enis** (u ime Kluba vijećnika NiP) pokrenuo je sljedeće inicijative:

15/9. Pokrećem inicijativu da se u ambulanti na Kobiljoj Glavi zamjene klima uređaji. Razlog je jer su klima uređaji neispravni. Obzirom da je stakleni krov, vrućine su nesnosne, prošle godine su bile intervencije i morala je hitna pomoć reagovati, jer su se dva pacijenta dok su čekali na pregled kod doktora, morala prebaciti na KUM Sarajevo.

- 15/10.** Pokrećem inicijativu na zahtjev stanovnika ulice Kenana Brkanića da se saniraku ili skrate usporivači brzine. Ležeći policajci su previsoki, te tako da dolazi do oštećenja na automobilima.

Vijećnik **Škoro Hamdija (u ime Kluba vijećnika Naprijed BiH)** pokrenuo je slijedeće inicijative:

- 15/11.** Pokrećem inicijativu da nadležna općinska služba pokrene procedure potrebne za obnovu klupa u ulici Braće Halać.

Obraloženje:

Pomenute klupe u ulici Braće Halać nalaze se u devastiranom stanju i iste je potrebno što hitnije sanirati, kako bi ih građani mogli nesmetano koristiti.

- 15/12.** Pokrećem inicijativu prema nadležnim institucijama sa inicijativom građana da dežurna ambulanta u Domu zdravlja Vogošća radi nedjeljom poslije 16 sati, odnosno do 20 sati.

Obrazloženje:

Dežurna ambulanta u Domu zdravlja radi nedjeljom do 16 sati, te su građani prinuđeni da poslije 16 sati idu u druge domove zdravlja na području Kantona Sarajevo. Obzirom na broj korisnika kao i broj zdravstvenih kartona građana u Općini Vogošća, pozivam nadležne institucije da rješe ovaj problem i omoguće građanima Vogošće da se i nedjeljom liječe za hitne slučajeve u svom Domu zdravlja poslije 16 sati.

Vijećnik **Mehić Almedin (u ime Kluba vijećnika SDA)** pokrenuo je slijedeće inicijative:

- 15/13.** Pokrećem inicijativu prema nadležnoj službi da se izmjeni, odnosno rekonstruiše stepen nagiba prilaza za invalidska i ostala kolica, prema podvožnjaku ispod Igmanske ulice.

Obrazloženje:

Trenutno stanje nagiba, odnosno uspona dijela koji je namjenjen za korisnike invalidskih kolica, a takoder služi i za dječija kolica, je izuzetno nepristupačan za sve. Posebno u danima kada je poledica ili kiša, nemoguće je silaziti i koristiti podvožnjak. Podvožnjak se nalazi ispod Igmanske ulice, te spaja Omladinsku sa ulicom Tome Mendeša. Veliki broj naših sugrađana koristi ovu dionicu puta. Molim vas da se riješi ovaj problem, te da naši građani kojima je to izuzetno potrebno, imaju dostojne uslove za svoja prava.

- 15/14.** Pokrećem inicijativu prema nadležnim za održavanje magistralnog puta M-18, a to su JP Ceste Federacije BiH, tačnije dionica puta koja prolazi kroz našu općinu od Kobilje Glave, pa do granice sa općinom Ilijaš, da se obide kompletna dionica puta, te pokrpe i saniraju rupe i uvale koje se nalaze na samom putu. Na ovom putu se razvijaju prilično velike brzine, te izbjegavanjem rupa može doći do neželjenih posljedica učesnika u saobraćaju, a tako i pješaka koji prolaze pored magistralnog puta.

Vijećnik **Hebib Armin (u ime Kluba vijećnika SDP)** pokrenuo je slijedeće inicijative:

- 15/15.** Pokrećem inicijativu za ažuriranje i funkcionalno unapređenje web-platforme privreda.vogosca.ba kao strateškog alata za razvoj lokalne privrede.

Obrazloženje:

Pokrećem inicijativu kojom tražim da Općina Vogošća izvrši ažuriranje, funkcionalno unapređenje i punu aktivaciju web-platforme privreda.vogosca.ba, koja od 2023. godine nije ažurirana, te da se ista institucionalno pozicionira kao centralno i zvanično mjesto za informisanje, promociju i razvoj lokalne privrede, kroz njeno vidljivo postavljanje na web stranici Općine, u okviru Odsjeka za privredu. Razvoj lokalne privrede, privlačenje investicija i stvaranje povoljnog poslovnog ambijenta predstavljaju jedan od ključnih zadataka lokalne samouprave. U savremenom digitalnom okruženju, općine koje žele biti konkurentne moraju osigurati transparentne, ažurne i lako dostupne informacije za privrednike i investitore. Općina Vogošća već raspolaže web-plattformom privreda.vogosca.ba, čije postojanje ukazuje na raniju političku i institucionalnu svijest o potrebi sistemskog pristupa razvoju privrede. Međutim, činjenica da platforma nije ažurirana niti aktivno korištena od 2023. godine predstavlja propuštenu priliku za jačanje lokalne ekonomije, posebno u periodu povećane konkurencije među lokalnim zajednicama u borbi za investicije. Aktiviranjem ove platforme, Općina Vogošća bi jasno pokazala političku opredijeljenost ka:

- podršci domaćim privrednicima,

- stvaranju povoljnog investicionog ambijenta,
- transparentnosti rada općinskih službi,
- digitalizaciji javne uprave i smanjenju administrativnih barijera.

Razloži za hitno unapređenje platforme. Investitori, kao potencijalni partneri lokalnih kompanija, moraju imati mogućnost da brzo i jednostavno, na jednom mjestu, dođu do svih relevantnih podataka o:

- firmama koje posluju na području Općine Vogošća,
- lokacijama, poslovnim zonama i poslovnom prostoru,
- svim troškovima, taksama i naknadama,
- važećim propisima i procedurama, uključujući postupke izdavanja odobrenja za građenje,
- olakšicama i poticajima koje nudi Općina, ali i viši nivoi vlasti.

Neobezbjeđivanjem ovakvog alata, Općina objektivno sama sebi umanjuje konkurentsku prednost, dok druge lokalne zajednice aktivno rade na digitalnoj promociji svojih privrednih potencijala. S tim u vezi predlažem da nadležna služba:

1. Pokrene postupak ažuriranja i funkcionalnog unapređenja web-platforme privreda.vogosca.ba.
2. Uspostavi jasan sistem institucionalne odgovornosti za redovno održavanje i ažuriranje sadržaja.
3. Osigura da platforma bude vidljivo pozicionirana na zvaničnoj web stranici Općine Vogošća, u okviru Odsjeka za privredu.
4. Omogući da platforma postane strateški alat Općine Vogošća za promociju privrede, privlačenje investicija i jačanje lokalne ekonomije.

- 15/16.** Pokrećem inicijativu da se izvrši obilježavanje pješačkih prelaza u ulici P.O. Zvijezda, s posebnim fokusom na dionicu kod mosta i raskrsnice sa ulicom Vogošćanskih odreda, tačnije u zoni stambenog objekta broj 50.

Obrazloženje:

Ulica P.O. Zvijezda duž cijele trase trenutno nema adekvatno obilježene pješačke prelaze, što predstavlja ozbiljan sigurnosni problem za građane. Stanovnici su primorani prelaziti kolovoz na neoznačenim mjestima, čime se povećava rizik od saobraćajnih nezgoda, naročito za djecu, starije osobe i lica smanjene pokretljivosti. Posebno je rizična lokacija kod mosta i raskrsnice sa ulicom Vogošćanskih odreda, gdje je frekvencija saobraćaja pojačana, kao i kod stambenog objekta broj 50, gdje svakodnevno gravitira veći broj pješaka. Obilježavanje pješačkih prelaza doprinijelo bi:

- povećanju sigurnosti svih učesnika u saobraćaju,
- smanjenju mogućnosti saobraćajnih nezgoda,
- boljoj regulaciji i preglednosti saobraćaja,
- zaštiti najugroženijih kategorija stanovništva.

S tim u vezi, molim nadležnu službu da izvrši procjenu stanja na terenu i u što kraćem roku pristupi isrtavanju pješačkih prelaza i postavljanju odgovarajuće saobraćajne signalizacije.

Vijećnik **Piknjač Admir (u ime Kluba vijećnika NiP)** pokrenuo je slijedeće inicijative:

- 15/17.** Pokrećem inicijativu za preipitivanje regulacije saobraćaja u ulici Jošanička u općini Vogošća, na dionici od BBI banke (Mega market) do mosta ispred same zgrade općine Vogošća koja približno iznosi 400 metara, a na kojoj je obilježeno 8 pješačkih prelaza.

Obrazloženje:

Uprkos velikom broju obilježenih pješačkih prelaza, nekih na udaljenosti od samo pet metara i manje, evidentno je da pješaci u značajnoj mjeri prelaze saobraćajnu traku mimo obilježenih mjesta, pa čak koriste saobraćajnicu za kretanje po istoj. Takva praksa dovodi do ozbiljnog narušavanja sigurnosti svih učesnika u saobraćaju i ukazuje da postojeće rješenje ne ostvaruje svrhu propisanu zakonom. Podsjećam da Zakon o osnovama bezbjednosti saobraćaja na putevima u BiH propisuje: da su učesnici u saobraćaju dužni postupati na način kojim ne ugrožavaju druge učesnike u saobraćaju, da su nadležni organi obavezni osigurati da se saobraćaj na putevima odvija nesmetano, da su pješaci dužni prelaziti na obilježenim pješačkim prelazima, odnosno na mjestima predviđenim za prelazak. Ukoliko se u praksi pokazuje da pješaci masovno ignorišu obilježene pješačke prelaze, to može ukazivati na neadekvatno planiranje, neprilagođen raspored prelaza stvarnim tokovima kretanja ili nedovoljnu analizu sigurnosnih aspekata.

1. Tražim od nadležne Općinske službe da dostavi informaciju o postojanju saobraćajnog elaborata i datumu izrade za predmetnu dionicu.
2. Izvrši stručnu analizu usklađenosti postojeće regulacije sa Zakonom o bezbjedosti saobraćaja i podzakonskim aktima.
3. U saradnji sa MUP-a KS i PU Vogošća izvrši procjenu sigurnosnih rizika na predmetnoj dionici, te predloži konkretne mjere za unapređenje sigurnosti i funkcionalnosti saobraćaja, uključujući eventualnu reorganizaciju broja pješačkih prelaza (smanjenje ili čak povećanje) ili druge tehničke mjere (uzdignute plohe pješačkih prelaza, primjer ulica 24. Juni, postavljanje kamera za mjerenje brzine, prisustvo službenih lica (policajaca) na pomenutoj dionici, ne radi kažnjavanja pojedinaca koji ignorišu horizontalnu i vertikalnu saobraćajnu signalizaciju, nego radi upozoravanja i saobraćajne discipline, edukacije, itd. Na pomenutoj dionici ulice pješaci svakim danom u nekom usporenom maniru prelaze ulicu, ne pokazujući poštovanje prema drugim učesnicima u saobraćaju. Smatram da je obaveza nadležnih organa da osiguraju, zakonitu, stručnu i funkcionalu regulaciju saobraćaja, koja će istovremeno štititi pješake i omogućiti stabilan i siguran režim saobraćaja.

15/18. Na osnovu obraćanja većeg broja građana naselja Barica i drugih mjesnih podružnica MZ Hotonj, pokrećem inicijativu radi hitnog institucionalnog djelovanja u cilju zaštite sigurnosti ljudi i imovine na području općine Vogošća.

Obrazloženje:

Prema navodima građana jedno ili više osoba, dugogodišnjih ovisnika o narkoticima i drugim opojnim supstancama, kontinuirano vrši krivična djela krađe i provale u privatne i druge objekte. Navedena lica su više puta privođena od strane PU Vogošća, te su evidentirana krivična djela otuđenje tuđe stvari, ali se nakon procesuiranja vraćaju u zajednicu i nastavljaju sa istim obrascem ponašanja, čime se stvara trajna nesigurnost, strah i materijalna šteta građanima. Građani konkretno naselja Barica žive u strahu. Ljudi zaključavaju kuće i pomoćne objekte kao da su u vanrednom stanju. Djeca i stariji se osjećaju nesigurno. To nije ambijent kakav smije postojati u jednoj uređenoj lokalnoj zajednici. Međutim, ono što ovu situaciju godinama čini još težom jeste činjenica da čak roditelji tih osoba traže pomoć i rješenje. Ako porodica moli sistem da reaguje, a mi godinama nemamo trajno rješenje onda moramo postaviti sami sebi pitanje, gdje je zapelo i do koga je. Ovo više nije samo pitanje sigurnosti građana, ovo je pitanje društvene odgovornosti i institucionalne zrelosti. Ako dosadašnje mjere nisu dale rezultat, onda je naša obaveza da pokrenemo koordinisano djelovanje: MUP KS, PU Vogošća, centar za socijalni rad, zdravstvene ustanove i nadležne organe koji moraju zajedno procijeniti rizik i poduzeti zakonom dozvoljene mjere. Ne možemo dozvoliti da se isti problem godinama ponavlja bez trajnog rješenja. Tražimo zakonito, humano i trajno rješenje. Ovdje se ne radi o želji za represijom, nitiigmatizaciji bilo koga, privođenjem iza rešetaka. Radi se o potrebi da institucije djeluju sistemski. Krivični zakon Federacije BiH predviđa mjere sigurnosti, uključujući obavezno liječenje od ovisnosti kada postoji opasnost od ponavljanja krivičnih djela. Postoje i mehanizmi kroz zdravstveni i socijalni sistem. Dakle, pravni okvir postoji. Ako nastavimo reagovati samo privođenjem i puštanjem, bez suštinskih mjera, onda samo produžavamo problem i za građane i za same ovisnike, a pogotovo za njihove roditelje. Posebno želim naglasiti da ignorisanje ovog problema može imati mnogo teže posljedice. Kada imate kontinuirano ponavljanje krivičnih djela, eskalacija je realan rizik ukoliko sistem ne reaguje što hitnije. Postoji opravdana sumnja i bojaznost da bi u stanju ovisnosti moglo doći i do najtežih krivičnih djela, uključujući djela protiv života i tijela, pa čak i ubistva iz koristi. U takvim okolnostima, postavlja se i pitanje krivične odgovornosti ovisnika, ukoliko bi se utvrdilo bitno smanjenje ili isključenje uračunljivosti ovisnika. Tada bi to značilo da smo kao lokalna zajednica propustili reagovati na vrijeme, iako su postojali jasni pokazatelji rizika. Zato insistiram da ovaj problem riješimo hitno i sistemski- preventivno, a ne tek nakon što dođe do tragedije. Tražim od nadležne općinske službe da ovu inicijativu proslijedi svim nadležnim institucijama viših nivoa vlasti i drugim navedenim ustanovama, a u cilju što hitnijeg rješavanja ovog gorućeg problema u našoj lokalnoj zajednici bez prebacivanja nadležnosti i odgovornosti.

Vijećnik **Pašić Edin** (u ime Kluba vijećnika SDA) pokrenuo je slijedeću inicijativu:

- 15/19.** Na zahtjev mještana naselja Barica pokrećem inicijativu prema Službi za investicije i komunalne poslove za postavljanje jednog ili dva (uz procjenu struke) saobraćajna ogledala u ulici Barica kod broj 18. Obzirom na trenutnu nepreglednost dva kraka koja izlaze na primarnu saobraćajnicu kroz Baricu mještani zahtijevaju u cilju povećanja sigurnosti i preglednosti saobraćaja, da se na pomenutoj adresi postave ogledala.

Vijećnik **Cvrk Ćamil (u ime Kluba vijećnika DF)** pokrenuo je slijedeću inicijativu:

- 15/20.** Na zahtjev stanovnika ulica Skendera Kulenovića i P.O. Zvijezda pokrećem inicijativu za sanaciju stepeništa koje povezuje ulice Igmanska i Skendera Kulenovića.

Obrazloženje:

Stepenište koje povezuje ove dvije ulice je putna komunikacija koju svakodnevno koriste stanovnici ulica Skendera Kulenovića i P.O. Zvijezda, a trenutno je u lošem stanju. Prvi dio stepeništa, od autobuske stanice u ulici Igmanska pa do parkinga ispod ulaza broj 22. i 24. je u dobrom stanju. Problem predstavlja ostatak puta na kojem su stepenice popucale i porušene što predstavlja potencijalnu opasnost za sve one koji koriste ovaj put. Da ne bi bilo zabune, stepenice ne predstavljaju ulaze u zgrade, čime bi odgovornost za njihovu rekonstrukciju bila na stanarima ulaza 22 - 28, nego put koji povezuje ulice Igmanska i Skendera Kulenovića.

Vijećnica **Karović Amra (u ime Kluba vijećnika SDP)** pokrenula je slijedeću inicijativu:

- 15/21.** Pokrećem inicijativu odnosno apel prema Elektroprivredi da se vrati i omogući usluga plaćanja utroška električne energije bez provizije u prostorijama Centra za pružanje usluga Općine Vogošća.

Obrazloženje:

Obzirom da Centru za pružanje usluga u Općini Vogošća, već ima šalter za pružanje komunalnih usluga i gasa, ovom inicijativom i apleom bi omogućili i plaćanje električne enrgije bez provizije. Time bi značajno pomogli našim građanima sa minimalnim primanjima i penzionerima, ali i ostalim stanovnicima općine Vogošća.

Vijećnica **Curić Samira (u ime Kluba vijećnika SDP)** pokrenula je slijedeće inicijative:

- 15/22.** Na osnovu obraćanja stanovnika ulice 24. juna, pokrećem inicijativu kojom tražim hitno postupanje nadležnih službi zbog dugotrajnog problema curenja otpadnih voda u ulici 24. juna, ispod broja 44. Prema navodima građana, problem traje skoro godinu dana, a curenje se dešava na silaznom stepeništu zgrade kolektivnog stanovanja, neposredno uz uzdignuti pješački prelaz. Otpadne vode se izljevaju na javnu površinu, šire neugodne mirise, ugrožavaju higijensko-zdravstvene uslove i predstavljaju ozbiljan rizik za sigurnost pješaka, posebno djece, starijih osoba i stanara zgrade. S obzirom da se radi o frekventnoj lokaciji, smatram nedopustivim da se ovaj problem nije riješio u proteklom periodu, te zahtijevam:

- Hitni izlazak nadležnih općinskih službi i komunalnog preduzeća na teren radi utvrđivanja uzroka problema;
- Poduzimanje neophodnih mjera na sanaciji kanalizacione mreže ili drugog uzroka curenja;
- Privremeno osiguranje lokacije do trajnog rješenja, kako bi se spriječile moguće nezgode i širenje zaraze;
- Dostavljanje pisanog odgovora Općinskom vijeću o poduzetim aktivnostima i rokovima za trajno rješenje problema.

Molim da se ova inicijativa razmotri po hitnom postupku, majuci u vidu dužinu trajanja problema i potencijalne posljedice po zdravlje i sigurnost građana.

- 15/23.** Pokrećem inicijativu prema Ministarstvu zdravstva Kantona Sarajevo za obezbjeđenje sredstava i nabavku novog ultrazvučnog aparata za potrebe Zavoda za zdravstvenu zaštitu žena i materinstva Kantona Sarajevo koja djeluje u sastavu JU Dom zdravlja Kantona Sarajevo — lokalitet Vogošća.

Obrazloženje:

Prema informacijama dobijenim od građanki i zdravstvenog osoblja, postojeći ultrazvučni aparat je zastario i tehnički dotrajavao, što otežava kvalitetno i pravovremeno pružanje zdravstvenih usluga. Imajući u vidu da se radi o dijagnostičkoj opremi od izuzetnog značaja za preventivne preglede, praćenje trudnoće, rano otkrivanje oboljenja i očuvanje reproduktivnog zdravlja žena, smatram da je nabavka novog, savremenog ultrazvučnog aparata prioritet. Područje općine Vogošća bilježi značajan broj korisnica zdravstvenih

usluga, te je od izuzetne važnosti da se ženama omogući adekvatna i dostupna zdravstvena zaštita bez upućivanja u druge zdravstvene ustanove. Stoga tražim da nadležno ministarstvo razmotri ovu inicijativu, planira potrebna budžetska sredstva i pokrene proceduru javne nabavke u što kraćem roku.

Vijećnik **Kulo Muamer (u ime Kluba vijećnika SDA)** pokrenuo je slijedeće inicijative:

- 15/24.** Pokrećem inicijativu prema nadležnoj službi Općine da se izvrši uređenje korita rijeke Ljubine na lokalitetu od ušća rijeke Ljubine pa do dvorišta OŠ „Porodice ef. Ramić“ u Semizovcu gledajući uzvodno.

Obrazloženje:

Na navedenoj lokaciji korita rijeke Ljubine došlo je do obrušavanja drveća u samo korito rijeke usljed loših vremenskih uslova u posljednje vrijeme. Trenutno stanje korita rijeke na navedenoj lokaciji može dovesti do ozbiljnijeg izlivanja rijeke u slučaju obilnih padavina što bi ugrozilo postojeću infrastrukturu i objekte koji se nalaze uz korito rijeke (most i poslovni-stambeni objekti i sl.).

- 15/25.** Pokrećem inicijativu prema nadležnoj službi Općine da se iznađe tehničko i praktično rješenje za saobraćaj u mirovanju na lokaciji u ulici Jošanička broj 86. i 88. Vogošća.

Obrazloženje:

Na navedenoj lokaciji stanovnici zgrade imaju svakodnevni problem sa regulacijom saobraćaja u mirovanju obzirom da na navedenom dijelu ulice nisu označena parking mjesta tako da građani vrše nepropisna parkiranja, što dovodi do toga da pripadnici Policijske uprave Vogošća građanima uručuju prekršajne naloge zbog parkiranja ispred zgrade. Građani podržavaju i eventualnu izgradnju dodatnih parking mjesta oko same zgrade kako bi se riješio navedeni problem.

Vijećnik **Omerović Denis (u ime Kluba vijećnika SDP)** pokrenuo je slijedeće inicijative:

- 15/26.** Pokrećem inicijativu nadležnim službama za dodatno osvjetljavanje i adekvatno obilježavanje pješačkog prelaza na magistralnom putu Vogošća – Semizovac, kod skretanja za naselje Poturovići.

Obrazloženje:

Predlažem se da se prelaz označi i osvijetli kroz horizontalno svjetlosno označavanje kolovoza, te postavljanje vertikalne svjetlosne signalizacije (svjetleći saobraćajni znak), po uzoru na pješački prelaz na regionalnom putu Semizovac – Donja Vogošća, a isti se nalazi nedaleko od skretanja prema Donjoj Vogošći iz pravca Semizovca, a kao primjer može poslužiti i pješački prelaz u Vogošći kod BBI banke. S obzirom da je na navedenoj dionici ograničenje brzine 60 km/h, da vozači često ne prilagođavaju brzinu uslovima na putu te da je riječ o dionici sklonoj saobraćajnim nezgodama, dodatno svjetlosno označavanje značajno bi doprinijelo sigurnosti pješaka i skrenulo pažnju vozačima na obavezu smanjenja brzine. Molim nadležnu instituciju da razmotri ovu inicijativu i poduzme potrebne mjere u cilju unapređenja sigurnosti saobraćaja.

- 15/27.** Pokrećem inicijativu za uklanjanje stabla koje predstavlja sigurnosni rizik.

Obrazloženje:

Molim nadležnu službu da izvrši provjeru i poduzme potrebne mjere u vezi sa starim i truhlim stablom koje predstavlja sigurnosni rizik za pješake i automobile. Stablo se nalazi uz samu cestu na dionici Semizovac – Donja Vogošća. Fotografije koje potvrđuju stanje stabla nalaze se u prilogu. Uvidom u katastarski operat utvrđeno je da se nalazi na zemljištu označenom kao k.č. br. 1671 KO Semizovac, čiji su posjednici javni i nekategorisani putevi. S obzirom na potencijalnu opasnost, molim da se izvrši uviđaj i poduzmu potrebne mjere u cilju njegovog uklanjanja.

Vijećnik **Hadžić Nihad (u ime Kluba vijećnika SDA)** pokrenuo je slijedeću inicijativu:

- 15/28.** Pokrećem inicijativu da se Javna ustanova Zavod za hitnu medicinsku pomoć Kantona Sarajevo uvrsti u sastav Civilne zaštite Općine Vogošća.

Obrazloženje:

Imajući u vidu česte vanredne situacije izazvane elementarnim nepogodama, saobraćajnim nesrećama, klizištima, požarima i drugim kriznim okolnostima, neophodno je dodatno

ojačati sistem koordinacije i djelovanja na lokalnom nivou. Hitna pomoć predstavlja ključni segment u lancu zaštite i spašavanja stanovništva, te bi njeno formalno uključivanje u strukture Civilne zaštite Općine Vogošća doprinijelo bržem, efikasnijem i koordiniranijem odgovoru u vanrednim situacijama. Ova inicijativa ima za cilj:

- unaprjeđenje međuinstitucionalne saradnje
- jasnije definisanje operativnih procedura u kriznim situacijama
- jačanje kapaciteta zaštite i
- povećanje sigurnosti stanovništva Općine Vogošća.

Predlažem da nadležna općinska služba u saradnji sa Kantonalnom upravom civilne zaštite i Zavodom za hitnu medicinsku pomoć Kantona Sarajevo, razmotri pravne i organizacione mogućnosti za realizaciju ove inicijative. Sigurnost građana je prioritet a institucionalno povezivanje predstavlja važan korak ka snažnijem i otpornijem sistemu zaštite i spašavanja na području naše općine.

RUKOVODILAC
STRUČNE SLUŽBE ZA POSLOVE
OPĆINSKOG VIJEĆA

Crvenjak Elvir